

UGOVOR
o nabavci i isporuci motorno kombi vozila-furgon

I UGOVORNE STRANE

1. **Kantonalna uprave civilne zaštite Kantona Sarajevo**, ul. Hamida Dizdara br. 1., Sarajevo, koju zastupa direktor, mr. Mustafa Kovač, (u daljnjem tekstu: **Kupac**), ID broj: 4200665390008
- i
2. **Verano Motors d.o.o. Banja Luka**, ul. Subotička bb, 78 000 Banja Luka, kojeg zastupa direktor, Sladenko Galić (u daljnjem tekstu: **Prodavac**), ID broj: 4400831540004

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnije ponude za nabavku roba, Kupca, broj: 22-44-1602-8/17 od 25.10.2017. godine.

III PREDMET UGOVORA

Član 1.

Predmet ovog Ugovora je nabavka i isporuka motornog kombi vozila-furgon, prema specifikaciji iz ANEKSA 7, koje su navedene u Tenderskoj dokumentaciji za nabavku roba Kupca, broj: 22-44-1602-3/17 od 10.10.2017. godine, kao i u Ponudi Prodavca, br. 444/17 od 15.10.2017. godine, koje čine sastavni dio ovog Ugovora.

Član 2.

Motorno kombi vozilo-furgon (u daljnjem tekstu: robu), Prodavac je dužan isporučiti prema svojoj Ponudi, te po uputstvima i zahtjevima Kupca.

IV CIJENA I NAČIN PLAĆANJA

Član 3.

Ukupna vrijednost ugovorene robe definisane u članu 1. ovog Ugovora iznosi: 44.024,27 KM (slovima: četrdesetčetirihiljadedvadesetčetiri i 27/100 KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 552 - 000 -17519964 09 otvoren kod Addiko Bank DD.

Član 4.

Ugovorne strane su saglasne da će Kupac ukupnu vrijednost iz člana 3. stav 1. ovog Ugovora isplatiti u roku od 15 (petnaest) dana od dana isporuke, ako prilikom primopredaje Kupac nema primjedbi na isporučenu robu.

U slučaju da se prilikom primopredaje robe, konstatuju nedostaci i odstupanja od specifikacija datih u Ponudi br: 444/17 od 15.10.2017. godine, Kupac se obavezuje da će isplatu izvršiti najkasnije u roku od 10 (deset) dana, nakon što Prodavac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti najkasnije u roku od 90 (devedest) dana od dana potpisivanja Ugovora, na adresu: Kantonalne uprave civilne zaštite Kantona Sarajevo, ul. Fehima ef. Čurčića br.1, 71000 Sarajevo.

Član 6.

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

Član 7.

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 30 dana, Kupac ima pravo na raskid Ugovora.

VI KVALITET ROBE

Član 8.

Prodavac se obavezuje da isporučena roba iz člana 1. ovog Ugovora biti prema ponudi Prodavca br. 444/17 od 15.10.2017. godine, a koju je Kupac odabrao kao najpovoljniju. Kvalitet i karakteristika robe koja je predmet ovog Ugovora, kontrolisat će ovlašteni predstavnici Prodavca i Kupca. Primopredaju robe između Prodavca i Kupca izvršit će ovlašteni predstavnici Prodavca i Kupca.

O navedenoj primopredaji robe sačinut će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Prodavca i Kupca.

Član 9.

Sva eventualna odstupanja i nedostaci, prilikom primopredaje robe, konstatovat će se Zapisnikom.

Prodavac se obavezuje da će primjedbe konstatovane Zapisnikom otkloniti, o svom trošku, odmah, a najkasnije u roku od 15 (petnaest) dana, od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o primopredaji robe, Kupac zadržava pravo da raskine Ugovor.

VII OBAVEZE PRODAVCA I KUPCA

Član 10.

Prodavac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa zahtjevom Kupca iz TD, a sve prema dostavljenoj Ponudi;
- da će odrediti stručna lica koja će rukovoditi izvršenjem poslova isporuke robe,

- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Kupca.

Član 11.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII GARANTNI ROK

Član 12.

Za robu za koju se izdaje garancija proizvođača robe, Prodavac je dužan da pribavi i istu preda Kupcu zajedno sa isporukom robe.

Garanti rok teče od dana isporuke robe i ne može biti kraći od 2 godine.

Član 13.

Prodavac snosi odgovornost za sve manjkavosti, odnosno nedostatke vezano za isporučenu robu, koje se mogu javiti ili nastati tokom garantnog perioda, pod uslovom da se roba koristi u skladu sa uputstvima za njenu upotrebu i sa preporukama Prodavca.

U garantnom roku, Prodavac će na osnovu pismenog ili usmenog zahtjeva Kupca, o svom trošku poduzeti mjere popravke, zamjene ili će na drugi način otkloniti uočene nedostatke na robi.

IX UGOVORNA KAZNA I RASKID UGOVORA

Član 14.

Ukoliko Prodavac ne izvrši svoje obaveze u ugovorenom roku, dužan je da, Kupcu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

Član 15.

Ukoliko isporuka kasni duže od 30 (trideset) dana, Kupac zadržava pravo jednostranog raskida Ugovora.

Razlog za raskid Ugovora može biti stečaj, likvidacija ili drugi oblik prestanka postojanja Prodavca ili više sile.

Član 16.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

X PRIJELAZNE I ZAVRŠNE ODREDBE

Član 17.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 18.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

Član 19.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 20.

Ugovor je sačinjen u 6 (šest) istovjetnih primjerka, od kojih svaka od ugovornih strana zadržava po 3 (tri) potpisana i ovjerena primjerka.

ZA PRODAVCA
Direktor

Sladenko Galić



ZA KUPCA
Direktor

Mr. Mustafa Kovač

M.P.

Broj: 216/17
Sarajevo, 10.11. 2017. godine

Broj: 22-44-1602-10/17
Sarajevo, 10.11.2017. godine